

Kalaallit Nunaanni eqqartuussisarnermik inatsisip allanngortinnissaanut inatsimmut missingiut (Pinerlunnernit eqqorneqartut inatsisitigut inissisimanerannik pitsangorsaaneq) aamma Pinerlunnernit eqqorneqartunut naalagaaffimmit taarsiissutit pillugit inatsisip allanngortinneqarnissaanik inatsisit assigiinngitsut kunngip peqqussutaatigut Kalaallit Nunaannut atortuulernerannik peqqussummut missingiut pillugit Inatsisartut aalajangiiffigisassaattut siunnersuut.

(Ineqarnermut, Attaveqarnermut, Aatsitassanut, Inatsisit Atuutsinneqarneranut Naligiissitaanermullu Naalakkersuisoq)

Saqquummiusissut

(Ineqarnermut, Attaveqarnermut, Aatsitassanut, Inatsisit Atuutsinneqarneranut Naligiissitaanermullu Naalakkersuisoq)

Siullerneqarnera

Siunnersuut sivisuumik utaqqineqarsimasoq Inatsisartuni suliarineqartussanngorlugu saqqummiunneqarsinnaalermaat Naalakkersuisut nuannaarutigaat. Siunnersuut danskit naalakkersuisuinik suleqateqarluni suliniutit aallartinneqarsimasut arlaqartut ilagivaat, taannalu Kalaallit Nunaanni inatsisinik atuutsitsinermut suliassaqarfipullutsinnut naleqquttunngorlugu nutarteriffingeqarnissaanut ilaavoq.

Kalaallit Nunaanni pinerluttulerinermi suliani eqqugaasut inatsisitigut inissisimanerisa pitsangorsaavagineqarnissaat siunnersummi aallarnerniarneqarpoq, taannalu Naalakkersuisut inatsisinik atuutsitsinermut suliassaqarfimmi periusissatut suliniutissanullu pilersaarutaanni suliniutinut ilaavoq.

Eqqugaasumut imaluunniit taassuma qanigisaanut qimataasunut nalinginnaasumik politiit ilitsersuisussaatitaanerat eqquneqassasoq siunnersuutigineqarpoq. Ilitsersorneqarnissamik pisariaqartitsineq suliamit suliamut allanngorartussaasassaaq. Eqqugaasup taarsiissuteqarnissamut akisussaanermut inatsit malillugu taarsiivigineqarnissani pillugu pisinnaatitaaffini pillugit ilitsersorneqarsinnaanini imaluunniit eqqugaasoq suliami ilisimannittutut oqaaseqassappat, pisinnaatitaaffini pisussaaffinilu pillugit ilitsersorneqarnissaa tamatuma ilaatigut kingureraa.

Eqqugaasup pinerluuteqarsimasup iperagaaneratigut kalerrinneqartarnissaminut periarfissaata annertusineratigut pinerluttulerinermi inatsimmik annertuumik unioqqutitsinermut isertitsivimmut inissinneqarnissaq pillugu eqqartuussisoqarsimatillugu suliani, eqqugaasumut suliniuteqartarnissap patajaallisaavagineqarnissaa Inatsisissatut siunnersummi aamma siunertarineqarpoq.

Tamatuma saniatigut eqqugaasup taassumaluunniit qanigisaasa qaninnerit suliami suut alloriarfiusimanersut pillugit kalerrinneqartalernissaat siunnersuutigineqarpoq.

Pisut immikkorluinnaq ittut pisariaqartippassuk, eqqartuussiviup pinerlineqartumut ikuuuttussamik toqqaasarsinnaanissaa pillugu pinerlineqartumut ikuuuttussat pillugit malittarisassat atuuttut ilaneqassasut aamma siunnersuutigineqarpoq.

Pisuni taaneqartuni inatsisinik unioqqutitsinerup suussutsimigut aalajangersimasuunissa aalajangiisuusariaqanngilaq, kisiannili suliami pisut aalajangersimasut pissutigalugit eqquaasup illersuisoqartinneqartariaqarnera aalajangiisuussalluni.

Inatsimmi piumasaqaatit allat naammassineqarsimappata, unnerluunneqartup pinerluttulerinermik suliap ingerlanerani iperagaasimanera apeqqutaatinagu, eqquaasup taarsiiffiqineqarsinnaanissaa peqqussutissatut missingummi aallarnerniarneqarpoq.

Ataatsimut isigalugu siunnersuut Killiliisami periusissamut naapertuuppoq, aamma unnerluutiginninnerup kingorna ingerlatsinissat aggersut pillugit eqquaasup ilisimatinneqartarnissaata qanoq pingaaruteqartiginera erseqqissarneqarpoq. Meeqqanut persuttaanerit, pinngitsaaliilluni atoqateqarnerit aamma kinguaassiutitigut innarliinerit pillugit suliat oqartussanut nutaartaqanngikkaluartut, suliaq eqquaasumut immikkuullarissuuvoq, taamatullu oqartussaniit suliarineqartariaqarluni.

Naalakkersuisut taamatut oqaaseqarlutik immikkoortoq Inatsisartunut oqaluuserisassanngortippaat.